

საქართველოს პარლამენტის აპარატი

32420000 - ქსელური მოწყობილობების
ელექტრონული ტენდერით სახელმწიფო შესყიდვა

(32400000 - ქსელები)

სატენდერო დოკუმენტაცია

ქ. ქუთაისი
2013 წელი

1. პრეტენდენტის მიერ სახელმწიფო შესყიდვების ერთიან ელექტრონულ სისტემაში ასატვირთი მონაცემები:

1.1. სატენდერო წინადადება დანართი №1-ის შესაბამისად.

1.2. ფასების ცხრილი დანართი №2-ის შესაბამისად.

* პრეტენდენტი ვალდებულია სატენდერო წინადადება და ფასების ცხრილი წარმოადგინოს სრულყოფილად შევსებული, დანართი №1-ისა და დანართი №2-ის ფორმით, უფლებამოსილი პირის მიერ ხელმოწერილი და ბეჭედდასმული.

2. ფასის გაანგარიშების წესი და ანგარიშსწორების პირობები:

2.1. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით განსაზღვრული, შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

2.2. ანგარიშსწორება მოხდება უნაღდო ფორმით, ლარში.

2.3. ანგარიშსწორება მოხდება შემსყიდველისთვის შესაბამისი საანგარიშსწორებო დოკუმენტაციის წარდგენიდან 10 დღის განმავლობაში.

2.4. საავანსო ანგარიშსწორება არ ხდება.

3. შესყიდვის ობიექტი, საქონლის მიწოდების წესი, ვადა და პირობები:

3.1. შესყიდვის ობიექტია ქსელური მოწყობილობები (დეტალური ინფორმაციისთვის იხილეთ ფასების ცხრილი დანართი N2).

3.2. საქონლის მიწოდება უნდა განხორციელდეს ხელშეკრულების ძალაში შესვლიდან არაუგვიანეს 45 (ორმოცდახუთი) კალენდარული დღისა შემდეგ მისამართზე: ქ. ქუთაისი, ირაკლი აბაშიძის გამზირი №26, საქართველოს პარლამენტის სასახლე.

3.3. წუნის აღმოჩენის შემთხვევაში მიმწოდებელი ვალდებულია შეცვალოს წუნდებული საქონელი ახლით ერთი კვირის განმავლობაში.

3.4. პრეტენდენტს უფლება არა აქვს, წარმოადგინოს ალტერნატიული წინადადება.

4. დამატებითი ინფორმაცია:

4.1. პრეტენდენტს უფლება აქვს, შესყიდვის პროცედურებთან დაკავშირებით მიიღოს ინფორმაცია და განმარტებები შემდეგ მისამართზე: ქ. ქუთაისი, ირაკლი აბაშიძის გამზირი №26, საქართველოს პარლამენტის სასახლე, საქართველოს პარლამენტის აპარატის სატენდერო კომისიის აპარატი: ტელ.: (995 32) 2-28-90-81 (ზაურ ჯიომვილი).

სახელმწიფო შესყიდვის შესახებ ხელშეკრულების პროექტი
(პირობები დაზუსტდება გამარტივებული პრეტენდენტის წინადადების შესაბამისად)

წინამდებარე ხელშეკრულება დაიდო ქ. ქუთაისში 2013 წლის _____
და მოქმედებს 2013 წლის _____ მდე.

ერთი მხრივ, საქართველოს პარლამენტის აპარატი (შემდგომ – შემსყიდველი), წარმოდგენილი მისი უფროსის, ზურაბ მარაქველიძის, სახით (ქ. ქუთაისი, ირაკლი აბაშიძის 26, სახელმწიფო ხაზინა, ანგ. №200122900, საიდენტიფიკაციო კოდი 202058245) და, მეორე მხრივ, _____ (შემდგომ – მიმწოდებელი), წარმოდგენილი მისი დირექტორის, _____, სახით, ორივე ერთად წოდებული, როგორც „მხარეები“, „სახელმწიფო შესყიდვების შესახებ“ საქართველოს კანონისა და მიმწოდებლის სატენდერო წინადადების საფუძველზე, _____ გამარტივებული ელექტრონული ტენდერის ჩატარების შედეგად ვაფორმებთ სახელმწიფო შესყიდვის შესახებ ხელშეკრულებას შემდეგზე:

1. ტერმინთა განმარტებები

- 1.1. სახელმწიფო შესყიდვის შესახებ ხელშეკრულება (შემდგომ – ხელშეკრულება) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, ყველა თანდართული დოკუმენტით.
- 1.2. ხელშეკრულების ღირებულება – საერთო თანხა, რომელზედაც გაფორმებულია ხელშეკრულება.
- 1.3. შემსყიდველი – ორგანიზაცია, რომელიც ახორციელებს შესყიდვას.
- 1.4. მიმწოდებელი – პირი, რომელიც ახორციელებს საქონლის მოწოდებას ხელშეკრულების ფარგლებში.
- 1.5. დღე, კვირა, თვე – კალენდარული დღე, კვირა, თვე.
- 1.6. საქონელი – ხელშეკრულების მე-2 მუხლით გათვალისწინებული ხელშეკრულების საგანი.
- 1.7. სატენდერო დოკუმენტაცია - _____ გამარტივებული ელექტრონული ტენდერის სატენდერო დოკუმენტაცია, რომელიც დაერთვება ხელშეკრულებას, როგორც მისი განუყოფელი ნაწილი.
- 1.8. სატენდერო წინადადება - _____ გამარტივებულ ელექტრონულ ტენდერში მიმწოდებლის მიერ წარდგენილი სატენდერო წინადადება, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი

- 2.1. მიმწოდებელი უზრუნველყოფს შემსყიდველისათვის ამ ხელშეკრულებით გათვალისწინებული პირობებისა და ხელშეკრულების დანართ(ებ)ის შესაბამისად ქსელური მოწყობილობების მიწოდებას.

3. ხელშეკრულების ღირებულება

- 3.1. ხელშეკრულების ღირებულება _____ ლარი.
- 3.2. ხელშეკრულების ღირებულება მოიცავს ხელშეკრულებით გათვალისწინებული საქონლის ღირებულებას, ასევე შესყიდვასთან დაკავშირებულ მიმწოდებლის ყველა ხარჯს და საქართველოს კანონმდებლობით განსაზღვრულ გადასახადებს.

4. ანგარიშსწორების ფორმა და ვადა

- 4.1. მოწოდებული საქონლის ღირებულება ანაზღაურდება მიმწოდებლის მიერ საანგარიშსწორებო დოკუმენტაციის (ანგარიშ-ფაქტურა ან/და სასაქონლო ზედნადები და მიღება-ჩაბარების აქტი) შემსყიდველისთვის წარდგენის შემდეგ, უნაღდო ანგარიშსწორებით, ლარში, მიმწოდებლის მიერ მითითებული საბანკო რეკვიზიტების მიხედვით.
- 4.2. ანგარიშსწორება ხდება შესაბამისი საანგარიშსწორებო დოკუმენტაციის გაფორმებიდან არა უგვიანეს 10 (ათი) კალენდარული დღისა.

5. შესყიდვის ობიექტის მიწოდების ვადები, პირობები და მიღება-ჩაბარების წესი

- 5.1. საქონლის მიწოდება უნდა განხორციელდეს ხელშეკრულების ძალაში შესვლიდან არაუგვიანეს 45 (ორმოცდახუთი) კალენდარული დღისა შემდეგ მისამართზე: ქ. ქუთაისი, ირაკლი აბაშიძის გამზირი №26, საქართველოს პარლამენტის სასახლე.
- 5.2. მიმწოდებელი საკუთარი ხარჯებით უზრუნველყოფს მიწოდებული საქონლის გადმოტვირთვას და შემსყიდველის მიერ მითითებულ ტერიტორიაზე დასაწყობებას.
- 5.3. წუნის აღმოჩენის შემთხვევაში მიმწოდებელი ვალდებულია შეცვალოს წუნდებული საქონელი ახლით ერთი კვირის განმავლობაში.
- 5.4. საქონელი ან მისი ნაწილი მიღებულად მიიჩნევა მხოლოდ მხარეთა მიერ შესაბამისი საანგარიშსწორებო დოკუმენტაციის გაფორმების შემდეგ.

6. მხარეთა უფლება-მოვალეობანი

6.1. შემსყიდველი უფლებამოსილია:

- ა) ნებისმიერ დროს განახორციელოს მიმწოდებლის მიერ ხელშეკრულებით ნაკისრი ვალდებულებების შესრულების ინსპექტირება;
- ბ) საქართველოს კანონმდებლობის შესაბამისად შეაჩეროს ან შეწყვიტოს ამ ხელშეკრულების მოქმედება, თუ მიმწოდებლის მიერ წამოდგენილი საკვალიფიკაციო მონაცემები ყალბი აღმოჩნდება;
- გ) ცალმხრივად მიიღოს გადაწყვეტილება ხელშეკრულების შეწყვეტის შესახებ, თუ მიმწოდებელი სისტემატურად არღვევს ხელშეკრულებით ნაკისრი ვალდებულებების შესრულებას.

6.2. შემსყიდველი ვალდებულია:

- ა) აანაზღაუროს მიმწოდებლის მიერ მოწოდებული საქონლის ღირებულება ხელშეკრულებით გათვალისწინებული ვადის და ხელშეკრულების პირობების დაცვით;
- ბ) უზრუნველყოს ხელშეკრულების პირობების შესრულების კონტროლი;
- გ) განახორციელოს ამ ხელშეკრულებით მასზე დაკისრებული სხვა ვალდებულებები.

6.3. მიმწოდებელი უფლებამოსილია:

- ა) მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებული ვადის და ხელშეკრულების პირობების დაცვით.

6.4. მიმწოდებელი ვალდებულია:

- ა) შემსყიდველს მიაწოდოს სათანადო ხარისხის საქონელი სრული მოცულობით; ჯეროვნად შეასრულოს ხელშეკრულების პირობები ხელშეკრულებით გათვალისწინებულ ვადაში;
- ბ) განიხილოს შემსყიდველის დასაბუთებული პრეტენზიები და მიაწოდოს მოტივირებული პასუხი ყველა საკითხზე;
- გ) განახორციელოს ამ ხელშეკრულებით მასზე დაკისრებული სხვა ვალდებულებები.

7. ხელშეკრულებით ნაკისრი ვალდებულებების შესრულების ინსპექტირება

- 7.1. ხელშეკრულებით ნაკისრი ვალდებულებების შესრულების ინსპექტირებას ახორციელებს შემსყიდველის მიერ გამოყოფილი კოორდინატორი.
- 7.2. ინსპექტირება გულისხმობს მიმწოდებლის მიერ ხელშეკრულების პირობების შესაბამისად მოწოდებული საქონლის ხარისხის, რაოდენობის, მიწოდების ვადების და დოკუმენტების კონტროლს.
- 7.3. ყველა გამოვლენილი ხარვეზის გამოსწორებასთან ან ნაკლის აღმოფხვრასთან დაკავშირებულ ხარჯებს ანაზღაურებს მიმწოდებელი ამ ხელშეკრულებითა და საქართველოს კანონმდებლობით დადგენილი წესით.
- 7.4. კონტროლი ხორციელდება ხელშეკრულების შესრულების ნებისმიერ ეტაპზე, საქონლის მიღებისას, აგრეთვე მიღების შემდეგ, მათ შორის, ხელშეკრულების მოქმედების ვადის გასვლის შემდეგ, ხელშეკრულებიდან გამომდინარე ვალდებულებების არსებობის პერიოდში.

8. ხელშეკრულებაში ცვლილებისა და დამატების შეტანა და ხელშეკრულების შეწყვეტა

8.1. ხელშეკრულების პირობების, მათ შორის, ფასის, შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობები გადაისინჯება საქართველოს კანონმდებლობით დადგენილი წესით.

8.2. ხელშეკრულებაში ცვლილების ან/და დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა, რაც ხელშეკრულებას.

8.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რაც უნდა აცნობოს მხარეს არანაკლებ 5 (ხუთი) კალენდარული დღით ადრე, წერილობით ან კომუნიკაციის ელექტრონული საშუალებების გამოყენებით.

8.4. ხელშეკრულება ან მისი რომელიმე დებულება ასევე შეიძლება შეწყდეს მხარეთა ინიციატივით, წერილობითი შეთანხმების საფუძველზე.

8.5. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით გათვალისწინებული ვალდებულებების შესრულებისაგან.

9. დაუძლეველი ძალა (ფორსმაჟორი)

9.1. მხარეები სრულად ანაზღაურებენ ბრალეული ქმედებით (მოქმედებით ან უმოქმედობით) მეორე მხარისათვის მიყენებულ ზიანს.

9.2. მხარეები თავისუფლდებიან ხელშეკრულებით ნაკისრი ვალდებულებების შეუსრულებლობით გამოწვეული პასუხისმგებლობისაგან, თუ მათი შეუსრულებლობა გამოწვეულია დაუძლეველი ძალით (ფორსმაჟორი). მისი არსებობის შემთხვევაში მხარე ვალდებულია წერილობით ან კომუნიკაციის ელექტრონული საშუალებების გამოყენებით აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

9.3. თუ ერთ-ერთი მხარე დაუძლეველი ძალის გამო ვერ ასრულებს ხელშეკრულებით ნაკისრ ვალდებულებებს, იგი ვალდებულია დაუყოვნებლივ, მაგრამ არა უგვიანეს მომდევნო კალენდარული დღისა, წერილობით ან კომუნიკაციის ელექტრონული საშუალებების გამოყენებით, აცნობოს მეორე მხარეს მისი დადგომის ან/და დასრულების შესახებ. წინააღმდეგ შემთხვევაში შესაბამისი მხარე არ განთავისუფლდება ნაკისრი ვალდებულებების შესრულებისაგან.

9.4. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

10. მხარეთა პასუხისმგებლობა

10.1. ხელშეკრულების პირობების დარღვევის შემთხვევაში მხარეები პასუხს აგებენ ნაკისრი ვალდებულებების შეუსრულებლობისათვის ან/და არაჯეროვნად შესრულებისათვის, კონკრეტულ შემთხვევაში მიყენებული ზიანის ოდენობით, ურთიერთშეთანხმებით ან საქართველოს კანონმდებლობით დადგენილი წესის შესაბამისად.

11. ხელშეკრულების პირობების შეუსრულებლობა

11.1. მხარეები იღებენ ვალდებულებას, დაიცვან ხელშეკრულების პირობები.

11.2. ამ ხელშეკრულების 5.1. და 5.3. პუნქტებით გათვალისწინებული ვადების გადაცილების შემთხვევაში მიმწოდებელს ეკისრება პირგასამტეხლო დროულად მიუწოდებელი საქონლის ღირებულების 0,5%-ის ოდენობით.

11.3. პირგასამტეხლოს გადახდა არ ათავისუფლებს მხარეს ხელშეკრულებით ნაკისრი ვალდებულებების შესრულებისაგან.

11.4. თუ ვადის გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს, შემსყიდველს უფლება აქვს, შეწყვიტოს ხელშეკრულება.

12. ინტერესთა კონფლიქტი

12.1. შემსყიდველის მხრიდან ხელშეკრულებაზე ხელმოწერი პირი და კოორდინატორი, „სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, წინამდებარე ხელშეკრულებაზე ხელმოწერებით ადასტურებენ, რომ მათი მონაწილეობა აღნიშნულ შესყიდვაში არ იწვევს ინტერესთა კონფლიქტს.

13. დავები და მათი გადაწყვეტის წესი

13.1. ხელშეკრულების მოქმედების პერიოდში წარმოშობილი ყველა დავა გადაწყდება ურთიერთშეთანხმების გზით. შეთანხმების მიუღწევლობის შემთხვევაში მხარეები უფლებამოსილნი არიან, დავის გადასაწყვეტად მიმართონ სასამართლოს საქართველოს კანონმდებლობით დადგენილი წესის შესაბამისად.

14. სხვა დებულებანი

14.1. ხელშეკრულება ძალაშია მხარეთა ხელმოწერის დღიდან.

14.2. ხელშეკრულება შედგენელია 2 (ორი) თანაბარი იურიდიული ძალის მქონე ეგზემპლარად, რომლის თითო ეგზემპლარი ინახება მხარეებთან.

შემსყიდველი

მიმწოდებელი

სატენდერო წინადადება

1. პრეტენდენტის რეკვიზიტები:

- ორგანიზაციულ-სამართლებრივი ფორმა და დასახელება:
- ხელმძღვანელის სახელი და გვარი:
- იურიდიული მისამართი:
- ფაქტობრივი მისამართი:
- საიდენტიფიკაციო კოდი:
- ტელეფონის/ფაქსის ნომერი:
- ელექტრონული ფოსტის მისამართი:
- ბანკის დასახელება და კოდი:
- ანგარიშსწორების ანგარიში:

2. სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების ფასი:

ფასების ცხრილი

№	შესყიდვის ობიექტის დასახელება	შესყიდვის ობიექტის აღწერილობა	შემოთავაზებული საქონლის აღწერილობა, მწარმოებლის და მოდელის დასახელება და წარმოშობის ქვეყანა	რაოდენობა	საზომი ერთეული	ფასი	ჯამი
1	სადენების შესამოწმებელი მოწყობილობა	• ქონდეს საშუალება შეამოწმოს სადენში გაუმართაობა და განსაზღვროს სადენის გამტარიანობა (10/100/1000/VoIP); • ავტომატური შემოწმების რეჟიმი 1000BASE-T, 100BASE-TX, 10BASE-T, VoIP, 1394b S100, TELCO; • გაზომოს კაბელის სიგრძე, შეამოწმოს ციფრული და ანალოგური ტონალობები; • ამოიცნოს კაბელის მეორე ბოლოში არსებული მოწყობილობის სიჩქარე, დუპლექსი, დაწყვილება; • შეინახოს 250-მდე ტესტის რეზულტატი; • აკუმულატორის ტიპი 4 AA (NEDA 15A, IEC LR6); • 20 საათი მუშაობა ჩვეულებრივ რეჟიმში, განათების გარეშე; • სხვა შესაძლო ელემენტის ტიპი 4AA photo lithium, NIHM, NICAD; • ზომა/წონა (17.8cm x 8.9cm x 4.5cm)/(0.55 kg).		1	ცალი		
2	UTP სადენი	• 305 მეტრიანი 100% სპილენძის ქარხნული UTP სადენი; • Performance Category = Cat 5e • Product Type = Cable • Cable Style = Simplex • Wire/Cable Type = Twisted Pair • Shielded = No • Wire/Cable Size (AWG) = 24 • Cable Outer Diameter (mm [in]) = 5.10 [0.200] • Length (M [ft]) = 305.00 [1001.00] • Jacket Color = Gray • Number of Twisted Pairs = 4 • Cable Configuration = UTP (Unshielded Twisted Pair) • Flammability Rating Type = PVC • RoHS/ELV Compliance = RoHS compliant, ELV compliant • Category 5E according to ISO/IEC 11801 2nd Ed. and EN-50173-1		15	კოლოფი		

3	FTP კაბელი	• 5 მეტრიანი სპილენძის ქარხნული შემაერთებელი FTP კაბელი (პაჩ-კორდი); • PC RJ45 C5e F/UTP LZ SR 5,0m • F/UTP shield • Cable Assembly Category = Industry Standard • Cable Assembly Type = Modular Plug • Cable Assembly Sub-Type = Category 5e F/UTP • Performance Category = Cat 5e • Length (M) = 5.00 • Configuration = Double Ended • Application = Cat 5e Data and Phone • Halogen Free = Yes • Wire Size - Details = 26 AWG • Flammability Rating Type = LSZH (Low Smoke Zero Halogen) • RoHS/ELV Compliance = RoHS compliant, ELV compliant • Category 5E according to ISO/IEC 11801 2nd Ed. and EN-50173-1		150	ცალი		
4	FTP კაბელი	• 2 მეტრიანი სპილენძის ქარხნული შემაერთებელი FTP კაბელი (პაჩ-კორდი); • PC RJ45 C5e F/UTP LZ SR 2,0m • F/UTP shield • Cable Assembly Category = Industry Standard • Cable Assembly Type = Modular Plug • Cable Assembly Sub-Type = Category 5e F/UTP • Performance Category = Cat 5e • Length (M) = 2.00 • Configuration = Double Ended • Application = Cat 5e Data and Phone • Halogen Free = Yes • Wire Size - Details = 26 AWG • Flammability Rating Type = LSZH (Low Smoke Zero Halogen) • RoHS/ELV Compliance = RoHS compliant, ELV compliant • Category 5E according to ISO/IEC 11801 2nd Ed. and EN-50173-1		700	ცალი		

5	FTP კაბელი	0.5 მეტრიანი სპილენძის ქარხნული შემაერთებული FTP კაბელი (პაჩ-კორდი); • PC RJ45 C5e F/UTP LZ SR 0,5m • F/UTP shield • Cable Assembly Category = Industry Standard • Cable Assembly Type = Modular Plug • Cable Assembly Sub-Type = Category 5e F/UTP • Performance Category = Cat 5e • Length (M) = 0.5 • Configuration = Double Ended • Application = Cat 5e Data and Phone • Halogen Free = Yes • Wire Size - Details = 26 AWG • Flammability Rating Type = LSZH (Low Smoke Zero Halogen) • RoHS/ELV Compliance = RoHS compliant, ELV compliant • Category 5E according to ISO/IEC 11801 2nd Ed. and EN-50173-1		100	ცალი		
6	ქსელის კონექტორი	• RJ45 FTP; • Performance Category = Cat 5e		200	ცალი		
7	კონექტორის დასამაგრებელი ხელსაწყო	• ქსელის სადენზე RJ-45 კონექტორის დამამაგრებელი ხელსაწყო; • Performance Category = Cat 5e		5	ცალი		
სულ:							